

Библиотекин көдлми сәәнәр бүрдәгдв

Целинн района библиотекиг Холина Раиса гидг күүкд кўн гарддж бәәнә, библиотекарь болдж Кондрашова Валентина көдлджәнә. Эн библиотекед 17 миньгьн дегтр бәәнә.

Бригадсар болн фермсәр зөөгддж йовдг библиотекин умшачнр 300-гар кўн кўрв.

Целинн поселкин библиотекекнь дигтә-даратагьар көдлнә. Библиотекеүр ордж ирсн күүнд „Октябрин 40-ч джилин өөнд“ гидг фотомонтаж үзгднә, урн

үгин болн научн медрл өггч литературин полк деер шин дегтрмүд бәәнә. Умшсн дегтрмүдәс эс медгдсн төрмүд гарсн цагт умшачнрт библиотекин көдләнр тер төрмүдәр цәәлгьвр өгнә. „Кўн ююгьарн болвчн сәәхн болх зөвтә“ гидг темәр шидрәс умшачнрин конференц болхмн. Эн конференц гидж кесг дегтрмүд олна нүднд үзүлгддж белдчксн бәәнә.

Е. ШАРАПОВ.